

Aðalfundur Pírata á Suðurnesjum, í Virkjun, 31.5.2018 kl. 20-22

Mættir; Margrét Þórólfsdóttir, Albert Svan, Þórólfur Dagsson, Hrafnkell Hallmundsson, Vania Kristín Lopes, Gunnar Grímsson, Guðmundur Arnar, Kolbrún Valbergisdóttir, Halldór Lárusson og Fanný Þórisdóttir.

Fundarstjórn: Guðmundur Arnar, fundarritun: Albert Svan

Dagskrá fundarins:

1. Kosning fundarstjóra og fundarritara
Guðmundur Arnar er fundarstjóri og Albert Svan ritari
2. Skýrsla stjórnar lögð fram
Haldnir voru nær mánaðarlegir stjórnarfundir, 5 félagsfundir, 2 kosningar, þátttaka í ljósanótt, skrifaður fjöldi greina, þrjóf kjör var haldið, samþykktar 10 málefnaþingir og ekkert gefið eftir.
3. Reikningar lagðir fram til samþykktar
Frestast til auka-aðalfundar (sjá fundargerð auka-aðalfundar hér neðar)
4. Samþykktar lagabreytingar
Grein 4.4. varðandi Schulze kosningar fellur út.
Grein 4.5 í lögum félagsins um kynjakvóta í stjórn fellur út.
Bæta skal við grein 4.8 Varamenn kjörinna fulltrúa eru kjörgengir í stjórn félagsins. En víkja frá þann tíma sem þeir taka við kjörnum embættum.
5. Kosning stjórnar
Þessum lið er frestað til auka-aðalfundar (sjá fundargerð auka-aðalfundar hér neðar) og verður kosið í vefkosningakerfi. Núverandi stjórn situr fram að þeim fundi.
6. Kosning í önnur embætti samkvæmt lögum þessum
Frestast til auka –aðalfundar (sjá fundargerð auka-aðalfundar hér neðar)
7. Önnur mál
 - Kæra til sýslumanns varðandi framkvæmd atkvæðatalningar verður send inn á morgun.
 - Fjármál Pírata á Suðurnesjum. Umræðu festað.
 - Píratar á Suðurnesjum leggja fram beiðni til framkvæmdaráðs að gerð verði óháð úttekt fagaðila á árangri í kosningabaráttu 2018 með hliðsjón af skýrslu kosningaráðs, innra skipulagi flokksins, framlagi starfsfólks og frambjóðenda og væntinga. Samþykkt, en Hrafnkell þarf að orða beiðnina betur áður en hún verður send.
 - Komast þarf að því hvort Píratar geti haft áheyrnafulltrúa á bæjarstjórnafundum.

Auka aðalfundur Pírata á Suðurnesjum, í Virkjun, 22.9.18 kl. 16-19

Mættir; Margrét Þórólfsdóttir, Albert Svan, Þórólfur Dagsson, Hrafnkell Hallmundsson, Vania Kristín Lopes, Halldór Lárusson og Unnur Sturlaugsdóttir og Fanný Þórisdóttir

Fundarstjórn: og ritun: Albert Svan

Dagskrá fundarins:

1. Kosning fundarstjóra og fundarritara
Albert Svan bauð sig fram sem fundarstjóra og ritara. Fundurinn samþykkti það.
2. Samantekt frá fyrri aðalfundi (sjá fundargerð aðalfundar hér að ofan).
3. Lagabreytingatillaga 1: að grein 4.8 verði breytt þannig að hún verði:
“Kjörgengur til stjórnar félagsins er hver sá aðili sem skráður er í félagið, uppfyllir samþykktar siðareglur og gegnir ekki kjörnum embættum til sveitarstjórnar eða á Alþingi. Siðareglur skulu samþykktar með meirihluta atkvæða á löglega boðuðum fundi félagsins eða með atkvæðagreiðslu í vefatkvæðagreiðslu.” Sem kemur í stað núverandi:
“Kjörgengur til stjórnar félagsins er hver sá aðili sem skráður er í félagið og gegnir ekki kjörnum embættum til sveitarstjórnar eða á Alþingi.” Tillagan samþykkt með 6 atkvæðum.
4. Lagabreytingatillaga 2: að grein 4.3 verði breytt þannig að hún verði:
“Stjórn félagsins skal kosin í vefkosningu fyrir aðalfund auk fimm varamanna. Vefkosningin skal gefa niðurstöðu um fimm manna stjórn og uppröðun fimm varmannna. Stjórnin skiptir með sér verkum. Stjórn og varamenn má kjósa á aðalfundi sé niðurstaða vefkosningar ekki til staðar.” Sem kemur í stað núverandi:

“Stjórn félagsins skal kosið á aðalfundi auk fimm varamanna til stjórnar. Kosning skal fara fram með STV (single transfareable vote) forgangskosningu. Stjórnin skiptir með sér verkum.” Tillagan samþykkt með 6 atkvæðum.

5. Margrét gjaldkeri fór yfir reikningana og lagði fram. Reikningarnir voru lagðir fram tæknilega óendurskoðaðir en yfirfarnir af bókara og samþykktir með 7 atkvæðum.

6. Í vefkosningu hefur verið kosin stjórn: Albert, Fanný, Hrafnkell, Margrét og Þórólfur. Stjórnin var samþykkt með lófaklappi. Í talningu atkvæða kom fram að Vania fékk flest atkvæði, Einar næstmest, Jón Páll, Róbert Arnar og síðast Friðrik. Þessi uppröðun á varamönnum var samþykkt með 7 atkvæðum. Fanný tilkynnti að hún væri að fara í veikindafri í einhverja mánuði og að næsti varamaður komi inn á meðan.

7. Halldór Lárusson var valinn endurskoðandi.

8. Önnur mál

8.1 Tillaga að siðareglum Pírata á Suðurnesjum

- Píratar í framboði skulu ekki bjóða kjósendum efnisleg gæði, greiða eða greiðslur í skiptum fyrir atkvæði þeirra.
- Einelti, kynferðisleg áreitni* eða annað ofbeldi verður undir engum kringumstæðum umborin í starfi Pírata á Suðurnesjum.
- Sá sem telur á sér eða öðrum brotið samkvæmt siðareglum þessum skal senda kvörtun þess efnis til Úrskurðanefndar Pírata. Úrskurðanefndin leysir úr málum í samræmi við landslög og lög Pírata og á að sýna bæði málshefjanda og þolanda fullan trúnað.
- Niðurstaða Úrskurðarnefndar er lokaákvörðun á vettvangi Pírata í hverju máli.
- Stjórn Pírata á Suðurnesjum skal kynna siðareglur félagsins fyrir félagsmönnum og hvetja til þess að þær séu virtar. Frambjóðendum og nýjum félögum skulu kynntar siðareglurnar.

Siðareglurnar voru samþykktar með 7 atkvæðum.

**Skilgreining á hvað einelti og kynferðisleg áreitni er styðst við reglugerð nr. 1000/2004 en þar segir í 3. gr.: Einelti: Ámælisverð eða síendurtekin ótilhlýðileg háttsemi, þ.e. athöfn eða hegðun sem er til þess fallin að niðurlægja, gera lítið úr, móðga, særa, mismuna eða ógna og valda vanlíðan hjá þeim sem hún beinist að. Kynferðisleg áreitni og annað andlegt eða líkamlegt ofbeldi fellur hér undir.*

8.2 Umræður um verkefnin framundan

Lagt var til að hittast og funda á tveggja vikna fresti í vetur og ræða um ýmis málefni. Stjórnin tekur það til sín.

Búa þarf til hálfársplan með markmiðum, t.d. fjölga meðlimum og aðildafélögum á Suðurnesjum.

Standa þarf fyrir ýmsum atburðum sem sýna að við gerum gagn og fá fólk til að mæta.

Skoða þarf að halda námskeið, t.d. um ‘Hvað er pólitík?’ ‘Hvaða réttindi hef ég?’ skipuleggja spilakvöld og ýmsa aðra atburði.

Aftur þarf að efla aftur unga fólkið í Pírötum á Suðurnesjum.

Það þarf að setja meira efni inn á spjallsíðuna á Facebook og fleiri þurfa að koma þar að.

Hugmynd kom fram um samráð við önnur aðildarfélög Pírata varðandi fjárumsókn til Framkvæmdaráðs 2019.

Ályktun: “Píratar á Suðurnesjum álykta að nú þurfi þingmenn okkar að leggjast á eitt með að styðja við fjárhagsóskir sveitarfélaga á Suðurnesjum og að tekið verði tillit til þeirra við fjárlagagerð 2019. Þar sem mikið misræmi hefur verið á milli úthlutunar til Suðurnesja miðað við önnur sveitarfélög á landinu”.